

K-VI-6

Generosa Domine

I

Generosa Domine Lukaskindler

Anna M.

GENES

Opuscula in his Miscellaneis sub W^o

contenta sunt?

1. Carmen gratulatorium in laudem Ing. Adol. ab Alb. Deoyen. Crac. 1630
2. Debitum pietatis A.R. et Eccl. fac. Vitellio a Joach. Speronowic. Crac. 1638
3. Aurora natalium Ill. ac M.D. Adam. Hieron. Hieronowski. Sub. Stan. Olszowski. Crac. 1638
4. Hellanodia virtuti quam cum fide Eccl. opera Joach. Speronowic. Crac. 1638
5. Elisei Aurimontani ad Danthecanos bellum et arma circumspicientes Epit. 1638.
6. Vindicta p. Cornelio Tacito a Nicol. Nowikowski. Convitiatoris. opposita Crac. 1638.
7. Aretos Pharmacia, quæ gener. Juv. ab Alb. Samborski monsthat. Crac. 1638.
8. Nubes Hippocratis Cl. a Doct. Viro Andr. Wolfowicz a Thom. Canewesi dic. Crac. 1638.
9. Icon virtutis et laboris ~~in~~ Maradungon ~~ad~~ Ven. ac Eccl. D.D. a Nic. Tatowicz Crac. 1638.
10. Pietas eruditæ seu oratio de nexu piet. cum erudit. Joan. Alb. Panis. Crac. 1638.
11. Tiara Episcopalis Ill. ac L^{mo} D. Andr. Jębicki. Ep^o luceor. a Daniel. Okebutz. Crac. 1638.
12. Icon herouæ virtutis. Gen. ac Ill. Joan. Dębicki a Joan. Gnerski. Crac. 1639
13. Colopus immortalitatis Jer. ac Pol. Vlad. IV. a Balthas. Stan. Przysuski. Lublini. 1638.
14. Felix luceoria in primo ac Solemni Andr. Jębicki. de. Balt. St. Przysuski. Lublini. 1639
15. Planetus in obitum Ill. ac D. Jębicki in Olyra. Dębicki. a Balt. Stan. Przysuski. Vars. 1637.
16. Nania na smiere nieśmiertelna Andrzeja Jaklin. kiega. Krak. 1638 p. M. D. R.
17. Heroama pietatis ad festu nuptiale dr. a Joan. Gnerski.
18. Procepus cause in infig. et perfidum Marcum Fudum. Decretus. Cr. 1636.
19. Aureus Trionis Sarmatici hipos. a Ludov. Christoph. Miller. Crac. 1638.
20. Minerva plaudens in Aula D. Jagielloni's ab Adamo Nowakowski. Cr. 1638.
21. Dona gratiarum Ven. Mart. Stan. Wolfowicz. p. Valerianu. Alnpek Cr. 1638.
22. Nota przedziwna z ziemie do nieba u Kaz. pogri. Mikol. Sawinowicz. J. K. 1638
23. Metamorphosis Apollinis et nove Musæ a Joan. Nicol. Jębiński. Crac. 1637
24. Urag. eius Ill. D. Stan. Lubomirski. de Joachim. Speronowicz. Crac. 1638.
25. Stephanion ~~U~~ ~~U~~ ~~U~~ Philosophici Adol. Sub. Stan. Olszowski. Crac. 1638.
26. Paterna felicitas el. ac dicit Viro Andr. Wolfowicz a Joan. Gynwaldt. Crac. 1638.
27. Gratulatio Ill. ac R^{mo} D^o Stan. Grochowicki. Arch. Ep. a Mathia Jębicki. Cr. 1638.
28. Echopadeia seu in uerna renou. Aud. acad. Oratio a Steph. Mirzyczki. Cr. 1638.
29. Gratia nuptiales Cl. et Eccl. D. Stan. Jębicki dr. a Joan. Gnerski. ~~Trzebiniski~~
30. In occursum Jer. Pol. inrich. Inna. Vlad. IV. de. Acad. Zamyski. volum. 1634. Petrus
31. Joppes votum p. felici et exopt. inculum. Adami Opatorni a Joach. Speronowic Cr. 1638.

Auctores

- | | |
|----------------------------|--------------------------------------|
| Alnpek Valen. an. 21. | Millerus Lud. Christoph. 19 |
| 2. Stanmentang Eliseq. 5. | Mirzyczki Steph. — 28. |
| 1. Anonymi. 16. 18. | Nowakowski Adamq. 20. |
| Canewesi Thomas 2. | Olszowski Stanislaus 32. |
| Gnerski Joann. 12. 12. 29. | Okebutz Daniel — 11 |
| Deoyen Albert. 1. | Panis Joan. Albert. 10. |
| Tatowicz Nicol. 9. | Przysuski Balthas. Stan. 13. 14. 25. |
| 2. Jębicki Mathias 24. | Samborski Albert. 6. |
| 1. Jębiński Mikol. 23. | Nowikowski Nicol. 6. |
| Gynwaldt Joann. 26. | Speronowicz Joachim. 2. 4. 24. 21. |
| Sawinowicz Mikol. 21. | Trzebiniski Petrus. 30. |
| 12 Jan. 22. | |

9.
(8)

N V B E S

H I P P O C R A T I S.

Clarissimo ac Doctissimo Viro,
D. ANDRÆ WOLFOWICZ.
Philosoph. & Medic. Doct: digniss.

D V M

Venerabilis & Eximius Vir, Filius eius,
MARTINVS STANISLAVS
WOLFOWICZ:

Secundæ Laureæ LICENTIATVS
IN AULA D. IAGELLONIS
renunciaretur.

A

M. THOMA CANEVESI, Seniore Scholæ
B. Mariæ Virg.

D E D I C A T A.

Anno Dñi 1638. Mense April. Die

Hieronimus Cardanus de rerum varietate
lib: 8. cap: 40.

Filiorum autem casus & felicitates in
Parentes redundare videntur, quare & cæte-
rorum affinium. Neq; enim tam miserabile
esset aut iucundum, mori in orbitate vel flo-
renti sobole, nisi in filijs Patris pars esset.

Et paulò inferius.

Quadrupliciter igitur felices fimus: fide
firma futuri sæculi, sobole firma, beata vita,
atq; gloriâ rerum gestarum aut sapiëntiæ, hæc
autem bifariam nos felices reddit, & memo-
riâ apud homines, & cōscientiâ cognitionis.

N V B E S HIPPOCRATIS.



OST conuenientes laureæ primæ
à Nobilissimo Filio tuo exantlatos
labores, & rectorum lucubrationū
exercitia, toties in puluere Acade-
mico gloriosè instituta, noua ecce
læticia in domum tuam, faustis plena acclama-
tionibus descendit, Vir doctissime. imitationem
enim nominis tui clarissimi certiolem, sui hono-
ris lucem magis eximiam, illustrius Præceptorum
solatium, promeritâ Doctoratus Philosophiæ co-
rona, idem natus, hoc auspiciatissimo obtinuit
momento. Cupiebat ad eam rectitudinis amu-
sim, vitæ ac studiorum cursum dirigere, quam,
non modo securitas interna possessæ virtutis, sed
etiam publicum Vniuersitatis nostræ almæ testi-
monium, dignam honore atq; gloriâ luculentis-
simè testaretur. Occultus licet sit, sensusq; effu-

giat segniores, felix in disciplinis honestissimis pro-
gressus; sæpeq; pallore obductam faciem, cogi-
tationum sedulitate sepultos oculos, ad defidia
iudicium inclinet rudiores; latere tamen igno-
rat, sed ubi maturitatem attigerit iustam, exem-
plò non grauatur, fastigia conscendere clariora.
Difficile multùm, auem nouellam, plumis vola-
turi sufficientibus contactã, alas non expandere,
potestatem non tentare pennarum; sic conueni-
enti disciplinarum supellectile ornatum animũ,
& varietate eruditionis excultum, eodem in gra-
du delitescere, tantò difficilius, quantò amanae
indolis, sicut excellentiæ cupiditas, ita euolandi
excelsius, pròptior facultas iudicatur. Non fal-
lax immortalitatis ab animo cognitæ vestigiũ est,
à minimis publici honoris testimoniis ad grauior-
ra progredi, & in iis consistendo, non retro posi-
ta contemplari, verùm in altiora, oculos, men-
tem, & vniuersos conuertere conatus. Eam dũ
Filius tuus, dignam bonorum spectaculo, exercet
occupationem, quam fortunatam domui tuæ
clarissi-

clarissimæ festiuitatem resuscitat? quam blando
iucunditatis sensu, paternum pectus tuum per-
fundit! Quomodo spem futuræ gloriæ amplio-
rem, & in amicorum corde, & in spiritu ædificat
Præceptorum. Non soli fraterno sanguini, Geni-
toris affectui, aut instituētium menti, sed mūdo
latissimo cōmune est gaudium, dum bonæ cre-
scunt animæ, & promerita virtutis suæ accipiunt
documenta; tū enim non de alieno, sed de suo
gloriarī euenit, cum iustè bonis cōcessus honor,
in vniuersas mortalium conditiones, vberimos
transmittat fructus. Cur igitur ego Domui tuæ
pridem deuinctus tacebo? & hanc illustrem læ-
titię materiam, desidiosâ linguâ patiar obsolesce-
re? cum magnis ex partibus Doctoris tui profe-
ctum ad meæ vitæ rationes, & mea studia, ad tuę
humanitatis & beneficentiæ magnitudinem re-
ferri, sit necessum. Hoc tibi in negotio, cū de
laudibus Filii tui, de lætitiæ magnitudine dicen-
dum est, non cedā Vir Clarissime ac Doctissime,
in hoc solo virtus, primum nascentes viros, con-

coctis ætate & eruditione seriâ, fecit pares, dum
eos non minus ex bonorū ascensu præcepit glo-
riari. Dicā igitur non tam facundè quàm verè,
de præstātia Licētiati tui, & de honore, non tan-
tū præsentī (licet hic, multorū ingenii & digni-
tatis apex sit) sed etiam ampliore, quem ei celo-
rum decreta, virtus, tuaque dignitas sunt datura.
Alumni tui verba ob valetudinē, negotiorumque
multitudinem, ieiuna & angusta, paterno affectu
cōtempleris.

Minus pollere dexteritate ingenii Sapientū natos,
neq; exquisitam eis à naturā rationis vim conces-
sam, nescio quo fato? qua ratione? & Scholarū,
& fori vox confirmat V. C. Felicissimus difficul-
tatis Philosophicæ moderator Aristoteles, omniū
rationū succum, ad eius facultatis ruinā, deducit,
quā Speusippus progressum appellat ad essentiā:
est enim apud omnes sapiētiæ cultores inconfes-
so, inferioris potentia vires infringi, & à munere
suo multas in partes distrahi, si Regina facultatū
laborāti, à latere famulari eueniat. An quod na-

turæ

ture prudētia ita munera sua diffeminauerit, vt
quibusdam eruditionis habilitatem contulerit,
aliis fortunarum amplitudinem plerisq; felicem
prolis optatæ euentum; quæ inordinatè dissipaf-
se videretur, si Capita Sapientū, non modo eru-
ditione eorum, sed etiam Filiorum Laureis coro-
nasset. Repetant quæ norunt mortaliū animi ar-
gumēta, hinc atq; illinc opinionis vulgatę funda-
menta exquirant, dicendū tamen venit à puncto
veritatis hac in sententia aberratum esse, vel saltē
eos omnes, quorum persona, filiorum stoliditate
ad probandū armatur, populari magis aura, quā
legitima scientiæ possessione fuisse sapientes. Di-
uinum nomen Sapientum est, non ad angulum
aliquem, sed ad mundum illustrandum conces-
sum; non ad claritatem nominis priuati, sed ad
vniuersæ domus splendorem, prolisq; in ea con-
tentæ dignitatem. Sicut ratio fidei, ita Natura
rationis captiuus est; illa intellectui, hæc Natu-
ræ leges ac decreta imponit. Non enim Sapi-
entis aliud negotium est, nisi statuta rerū, à sum-
mis, me-

mis, mediis, ac infimis mundi partibus exorta,
præuidendo cognoscere. Quæ eius occupatio?
præterquam vt actionum suarum ea habeat solat-
ia, quibus non modo superstitæ vita, sed etiam
post funera, subsequenter recrearet spectatorem.
Quis viuendi modus? nisi ita viueret, vt filiorum
spem bonam ex illius integritate præsentis, & ex
filiis, Parentis soliditatē posterius aduerterent. Sa-
pientum certè Filij sapientes. Quemadmodum
enim à sole claro non obscuri, sed fulgentes e-
manant radij: à fonte limpidò, riui scaturiunt
venusti: à stipite arboris fructu præcellentis, pal-
mites & surculi consurgunt amoeni; ita e sinu Pa-
rentis docti, optimæ indolis nati, ad consequen-
dam studiorum difficultatem repullulant aptissi-
mi. Vnum ego te Virum doctissimum viuum
exemplar accipio, quicumq; ad tui nominis Cla-
rissimi notitiam, segniori non deuenit animo, Fi-
lium tuum, secundæ Laureæ Philosophiæq; Do-
ctoratus Licentiaturū videat, à radio Solem, ab vn-
gue Leonē, à riui fontem venabitur. Nam, quis
vnquam

vnquam adeò iniquus rerum æstimator est, qui
vbi formam externaq; eius corporis lineamenta
conspexerit, generosæ animæ assiduâ curam fue-
rit expertus, virium ad tædia patienter toleranda,
indefessam voluntatē, non audebit recognosce-
re Filium Doctissimi Parentis sapientem. Licet
vero seuerum Catonis iudicium, non ea veræ di-
gnitatis & excellentiæ autemet indicia, quæ, con-
cinna partium corporis dispositio, frontis ac vul-
tus maiestas, erumpentis ingenij celeritas adfe-
runt, multa tamen & sæpè potiora vendicare sibi
hæc, nemo prudentiorum non videt: si enim ra-
tio omni Scientiarū genere exculca addit homi-
ni dignitatem, si voluntas actione virtutum ma-
gnarum exercitata, si tota mens similitudine Di-
uinitalis eximia, non etiā contemnendum ex-
ternæ molis adiutorium, cuius obsequio, totum
id quod laudabile est, cōsummatur. Nullatenus
mancipium immortale (animā intelligo) ad fun-
ctionē actionum veniret melius vel deterius, nisi
carceris libertatem, in aliis strictiorem, remissio-

rem in alijs inuenisset. Dotauit ijs muneribus
DEVS & Natura successorē virtutis tuę Vir Cla-
riss: postquā eo ordine thalamum eius animi dis-
posuit, vt per eum diffusus, non se laqueatum, sed
velut liberum, cognoscat. Vultus cælorum, qui
eum infantem primum aeris halitum hac in luce
cipientem aspexerat, talē ei instillauit naturam,
quæ excellētiorū hominum Idea, rudiorum Ma-
gistra, norma mediocrium fuisset. Sapiētissimus
eo pro tempore siderum Senatus, quā mirificē
coaluit! inferiorum Sphærarum viæ, & cursus
inæqualitate, & corporum distantiā variabiles,
quā artificiosē steterunt! angusti cardines, ac
humiliora domicilia, festiuarum lampadum con-
nubijs adornata, vniuersa supernæ regionis ma-
china ordinatissima quadā periodo circumclusa,
maligni natura Planetæ, aut impotentia debilita-
ti, aut illustrati bonorum lumine, aut deniq; vir-
tute loci lædendi amiserē potestatem. Enimue-
ro non ociosam cæli stellarumq; iuncturam exi-
stimare debent, ij præsertim, sagacitatē quorum,
secundi-

secundior sapientiæ & æternitatis afflatus imple-
uit. non temere minutiorum mutatio ac varietas
accidit. Quid cælorum? in quorum cōplexu vi-
uit mundus. Instrumentorum animæ quibus o-
peratur, officina, cælum est, ordo diuersaq; lumi-
num conformatio, artifex certissimus. Vt cor-
pori anima, ita superiorum corporum vis, rerum
sublunarium inclinationi infixatum incremētis.
Ab hoc igitur ordine, eā suxit indolem, quæ ho-
nestati morum idonea, sublimis ingenij Parens,
& Nutrix, gloriæ deniq; ac felicitatis esset princi-
pium. Grauiſſimus Saturni conspectus, & paci-
fici Iouis facies muneri Aphetæ ac Dispositoris
morum adiuncti, vti in proximis Diuinitati sedi-
bus resident, ita in eum graues, modestos, & ele-
ganti conuenientia gratissimos deduxerunt mo-
res. Viuacitatem & splendorem excellentem in-
genij, alienæ subtilitatis Author Cardanus ab a-
scendente ventre Boreo pollicetur. Vniuersum
in id conspirat cælū, vt hæreditatis tuæ pars præ-
cipua, clarissimum solertiā, pulcherrimū indole,

diuinissimum constantiâ ingenium nanciscatur. Princeps siderum Sol, vnâ cum nepote Atlantis Mercurio, domum ingrediuntur ingenij, ac ne vacua esset portio orbium, promptitudini à cerebro pullulanti, assignata, Regina fæminarum cælestium Luna eandem occupauit, multum indolis bonæ, non parum vigoris profundæ rationandi collatura. affectui eorum clarissima Spicæ Virginis fax, & oculus Tauri lucidissimus obsecūdant. Ardens Martis stellula, cursum ad hospitium accelerauit Magisterij, ibique summæ dignitatis potita loco, cardinisq; eminētissimi cuncta solio, totum ferè Artis obtinens Dominium, à se quidem Doctoratum Medicum, à loco verò Politicæ gubernationis decernit maiestatem. Sed parum est tantis Naturæ Cimelijs gloriari, minus iuuat promissa sperare illustria, nisi auguria Sphærarum, felix euentus cōmendauerit. Ne verearis Parens virtute, eruditione, doctoq; Filio clarissime, talia vis fatorum decernit, quæ promissis magna, felici euentu maiora, & perseuerantia eorum præstantissima sunt futura. Præter
vero hæc

vero hæc fortunata satisq; magnifica, addit non
mediocrem ingenij potestatem, quod ea ratione
sitam lati circuli obtineat portionem, quæ ferè
eos omnes, doctrinam quorum & dignitatem
adorabat orbis, consignauerat. Comes phar-
trati Sagittarij viuax Capricornus, Ascendentis
occupauit hospitium, orientisq; non minus cæli,
quam Filij in lucem venientis, benigno Ioue tem-
perauit & recreauit aduentum. Consiste ocelles
& eam nunc cæli faciem, tantam viarum, corpo-
rum, mutuorumq; aspectuum Harmoniam in-
tuere: tot temporum voluac ac reuoluo ordinē,
tām distinctarum ætatum fluxus ac refluxus vi-
deo, ijs in omnibus defuisse quidpiam vultui cælo-
rum, obstupesco. Hoc felix momentum, & la-
tionum superiorum siderumq; proportionē, &
nati in mundum venientis virtute. Iterare verba
oculus, & cor iubet apud Lucianum Samosatē-
sem expressa: Ω ήλιε μή ελασῃς τήμερον, μή δ'εαυριον, μήδ'εν εσ-
την τριτην ημέραν, vt te Duce quiescente choragium om-
nium quiescat siderum, mundumq; tantā su-

B 3. *Concinnat* concin-

concinnitate exhilaret vehementer. Reddunt
virtuti tuæ promeritas grates & laudes V. C. cæ-
li, offerunt lumina lampadesque pulcherrimæ
debitam affectus sui testificationem, & quia te
sæpius gressus regressusque suos trutinantem, or-
dini admirabili intentum, occasui inuigilantem
cognouerant ac ortui, orienti quoque Phosphoro
tuo, faci nobilissimæ domus, suo præsidio ac ser-
uitio famulantur. Magnum, Pontificum Illustris-
simorum, maiorem Regum Serenissimorum, Im-
peratorumque nascentium exordijs, non minorem
certè Wolfouicianæ stirpi cælestis machina per-
soluit honorem. Sed à cælestium corporum va-
ticipinijs, venio ad ea, quæ generosam filij tui indo-
lem honorumque expectationem, non indagatio-
ne curiosa, sed viuo exemplo, & continuâ acti-
one manifestant; à primis honestissimarum lite-
rarum rudimentis, ad exercitia altiora, maturasque
cogitationes ultro currebat, ætatis nondum cō-
firmatæ teneritudinem, morum quædam graui-
tas iudicantisque animi præcedebant indicia; labia
ad silen-

ad silentiū composita, insignem eruditionis no-
minisq; futuri spem loquebantur. Vbi vero Præ-
ceptorum iudicio, nobiliq; profectu Philosophi-
cam porticum adire cæperat, quanta cum dili-
gentia, quàm diligenti conatu, difficulratum no-
dos soluere, altissimos ingenij humani apices
(quibus speculatiui, conceptuum nomina assi-
gnant) superare ausus sit, Sympalestritarum ad-
miratio, Præceptorum solatium, amicorum de-
licia, candidè diffiteri non possunt. Flos iuuen-
tutis Academicæ dicebarur, quia florētem ætatis
feruorem, studiorum consecrauerat labori; Plan-
ta horti Academici, quia in eo, eiq; natus, orien-
tis Cedri iaciebat fundamēta, Hæres authorita-
tis ac famæ paternæ, non enim callem à te pres-
sum deseruit. Effundebat vltra priuatæ vitæ ra-
tiones dignitatem studia illius, ideoq; ad Venera-
bilem Baccalaureorum coetum, è iuuentutis me-
dio vocabatur, cuius eminentiam cùm secus ta-
citus pensitaret, tantò vberiore copiam Vigili-
arum, consuetæq; lucubrationis, magis adama-
uerat,

uerat, quāto plures ac perspicaciores, oculos,
sua in negotia ac honores præuidebat conuerti.
Nescio enim quid sit! natura ita seu vitio compa-
ratum esse, vt nihil gratius pupillæ humanæ sit,
quàm altiora intueri, atque in eis, fissuras, mini-
mamq; festucam deprehendere: cū tamen o-
culorum atq; iudicij officium, si non ad sui cau-
tellam, inferiorum saltem sit datum cohortatio-
nem. Nec verò existimabat satis primis Acade-
miæ honoribus dici & esse laureatū, nisi hæc mo-
desta obedientia, labore ad virtutem non vanita-
tem composito, patientia non ficta reddere cla-
riora studuisset. officium igitur diligentia, diffi-
cultatem labore, multitudinē honestissimarum
occupationū, ardore animi & studio superabat,
tāto opere, vt omnia ad quæ seu generositate nun-
quā ocij dedita, seu fide præstita Vniuersitati te-
nebatur, non modo attingere, sed etiā transgredi
videretur. Habent ingenia generosa à Parente re-
rum eam dotem, quod nullis limitibus cursum
suum patiantur circumcludi, sed semper erum-
pant, donec assiduis contemplationibus euecta,

altissimæ tandem Diuinitati sese immerferint.
Sapientis Ciuitatem quidā mundum appellauit;
at exigua equidem ei mansio, qui sublimitate in-
genij supra terræ cæliq; sedem eleuatur, & omni
mortalitatis inconstantia contempta, soli gloriæ
honori vitam nomenq; dedit.

*Clauditur orbe Sophus nunquā, sed claudit & am-
Ille orbem, cæliq; cutem super ambulat altè.* (bit,

Multa ad Filij tui nobilissimi laudes promptissi-
ma prætermitto, ne ea quæ omnium delectant
conspectum, velut ignota in chartam effundam.
Illud inuoluere silentio non possum, Mathema-
ticas disciplinas, quas meritó Lydium lapidē bo-
norum ingeniorum dixero, felicissimè excoluit,
eaq; in earū amplitudine iam perlustrauit, à quib;
bus, multorum ætas grauior, tricis & difficulta-
tibus deterrita abstinuit; omnia quæ ad primum
secundumq; motum, apparentiarum figuram &
qualitatem, supputationum rationem, Gnomo-
nis vmbrarumq; iucundam fabricam, fossarum
& cuniculorum artificia, terræ deniq; cæli ac vo-

C

cis mensuram spectant, dexterrimè conquisiuit.
Quanta verò facilitate, preciosissimū hunc è sci-
entijs omnibus thesaurum cōparauerit, non faci-
lè iudicare. Iteranda venit sæpè Præceptoris vox,
ad crassioris Mineruæ informandam mentē; At
hic, verba docentis sensu præcedebat sagaci, ser-
monē intellectu. Contorquenda frons Ma-
gistro toties, adinueniendę sollicitè illustrandi &
eloquendi formulæ; hic verò, omnia acutè, so-
lenter, cōnexè, è voce Præceptoris suum in animū
transferebat. Referunt Historię puerum quendā
annorum nouem Parisijs nobilissimè disputasse,
cuius raram ingenij vim desuper venisse notarunt
Astrologi, orientem enim cuspidē societas Mer-
curij & Veneris in area Capricorni ornauit. Quid-
ni Filius tuus nobilissimus meliorem puero hoc
nactus mentem, qui eandem Signiferi partem,
non absimili possedit in loco, cuius familiaritati
cum Planetarum copulauit, quem, erudita Astro-
logorum vox, beneficū maximè maximamque
fortunam esse fatetur. Maiorem prudentię suiq;
ingenij

ingenij facultatem his declarauit, dum nouennis
disputationis balbutiē, ad grauiores annos trans-
tulit, ne ipsa oris infantilis agitatio, scientiarum
integritati maculam impressisset. Non vana igi-
tur cælorū auguria, non inanē honestissimi san-
guinis vim, tanto ætionū splendore, tam exqui-
sita artium perceptione, tam deniq; vigili studio,
nobilissimus virtutis tuæ successor cōprobauit.
ita per ætatis titubātis flexus, sciētiae ac existima-
tionis promouebat incrementa, vt sensim cōmu-
nem iuuenilis cursus viam relinquens, ad altiora
euolauerit, atq; ad æquilibrium docentium vir-
tute accedens, te solo, minor euaserit. Tantis
igitur virtutum suarum ornamentis, omnium o-
culis animisq; gratissimis, quantam honorum
accessionem sibi, domuiq; clarissimæ allaturus
sit, nemo non videt. è profundis montium fos-
sis aurum eruitur, vt Superum templis, Magna-
tumq; mensis assideat; è humilibus concharum
testis educuntur gemmæ, vt Regum pectora, my-
trasq; Principum cohonestent: Putasne? latita-

bunt viri docti in angulis, qui auri pretium, ful-
gorem ac pondus gemmarum, non modo supe-
rant, sed ad comparationem sui nequaquā admit-
tunt. Ac licet temporum ea sit infelicitas presen-
tium, vt Phormio Socrati, Dromo Aristoteli, San-
ga Lyceo preferatur, paucosq; Sigismundos Ma-
la testas audias, qui ossa & cineres è Sapientum
corporibus relictos, magnifica æde honorēt. eo-
rum tamen Magnatum non parua est copia, qui-
bus sicut exquisitis delicijs, occupationibus lite-
rarum honestissimis recreari est iucundum, ita
nihil suauius, quàm bonorum ingeniorum Fau-
tores & promotores agere benignissimos. Inci-
pit Regalis domus, Aula D. IAGELLONIS orna-
re virtutem & eruditionem Filij tui, cùm digitū
eius aureo annulo, caput thiara Philosophica, a-
nimum deniq; Doctoris Philosophiæ vestit digni-
tate. Sublime plurimum, tali gaudere ornamē-
to, quod DEO præside, Ecclesiæ potestate, iure
Academiarum sacrosancto, non corpori, sed mē-
tibus imponitur; ad cuius potestatem capiendā
diuiniō-

diuinioreſ animæ & agmina nobilitatis concurrunt, cuius grauitatē, nec mutabilis fortuna mutabit, nec tēpus edax conſumet, nec mortalitas, iugo mortalitatis ſubijciet. Philoſophia ſiquidem cuius ſpiritu ac ſanguine altiorum facultatum vita nutritur, ſui poſſeſſores non deſerit, ſed à cōuerſatione terrena ſubtractos, & nominis memoria exornat, & in æternitatis vocat Collegiū. Verūm ad iſtius honoris eminentiam, quem ante 20. ætatis annum virtute & eruditione obtinere promeruit, ampliores non dubitandum acceſſuras, ſicut virtutis & ſapiētix, ita honoris atq; gloriæ ſunt gradus ſui, quos generoſa anima, & boni nominis dulcedine illecta, velut titulum hæreditatis venatur. Bonorum certè virorum, & literis excultorum, præter exiſtimationis rectę lucem, nulla alia hæreditas, nulla poſſeſſio. Hic mihi latiſſimus dicendi & ſcribendi campus aperitur, Quomodo tu Vir Clariffime, per Vniuerſitatis noſtrę florentiſſimę honores diuinę menti virtutiq; tuę conceſſos, apud exteros clarueris. Qua

ratione Cyllenios, Antonios Musas, Cassios Cal-
pitanos, Aruncios Rubros, Artemones, & tot ce-
leberrimos artis Medicę Professores adæquaueris
ac viceris: quàm bellè & feliciter claritatē nomi-
nis Wolfouiciani, non per Urbis modo istius am-
plissimę tecta, sed etiā Imperij Polonię Prouincias
disseminaueris, quę omnia coarcto, ne in immē-
sum consurgat oratio. Italię quid frigidus valeat
Septemtrio declarasti, dum in Mathematicarum
disciplinarum prælectione, & rerum Medicarum
cōpendijs præstantissimis (quę Iulio Cæsari Clau-
dino ex Capiuaccei mente decerpta methodicè
formaueras) posset quid Sarmata, quid tu, pri-
mo adhuc quod maius in limine, demonstrasses.
Ob hanc igitur naturę artisque præstantiam, inter
Medicorū culmina culmen eras, gratus à iuuen-
tute PLOCIIS, FONTANIS nostris, apud exte-
ros clarissimis Professoribus gratissimus. Cupie-
bat Regia Aula D. memorię Sigismundi III. virtu-
tem tuam; expetebant Principes, Ducissę, habe-
bant in votis Religiones pijsimę, quibus omni-
bus, par-

bus, partim amicabili obsequiorum pacto, partim consilio & præceptis nolebas deesse. Sed quid mirum ea in domo te Virum insignē repertum, in qua velut nido suo, scientia ac eruditio nutriuntur. Audiuius Samuelem WOLF Poetam Laureatum Auum tuorū, Regi Polonię gloriosissimo Stephano charissimum, cuius expeditionē, contra Moschi foeditragi audaciam, eleganti carmine, victorisq; tanti nomine non indigno, descripsit: Nobilitati Polonæ nunquam ingratus, semper amicissimus, suā operā, votis eius, seu Pæana lætum, seu lessos occinendo tristes paratus. Viris nobilissimis è Prosapia CZERNI oriundis Epitaphia posuit doctissima, quæ in Ecclesia, Urbis (iure Tribunalitio celeberrimę) Lublinum dictę, leguntur. Quid Rollius tuę quoque pars Domus, Pontificij Iuris Doctor integerrimus ac pietatis amantissimus, cuius memoriā, non modo recordatio bonorum refricat, sed etiam beneficiū Ecclesię Corporis Christi liberaliter collatum, deprædicat. Hęc amplissima tua tuorūque me-

que merita, hæc dignitas, Quid aliud est? nisi al-
tioris glorię, in caput Filij tui descendentis osti-
um, maiores ille titulos ac honores, velut masti-
catum per te cibum facilius deglutiet, à Philoso-
phicis occupationibus auocatus, in excellenti
Medicorum choro stabit gloriosus, circulisque
Eudoxi munitus, ea que medentium succus ac
medulla sunt, attinget, custodiet candelabrum
glorię è manibus tuis acceptum, lucemque do-
mus sue, per Magnificas Senatorum Aulas, Reli-
giosorum claustra deuota, & illustrissima diffun-
det palatia; inter Apis. & giptiorum Regis prolem,
illud aucupari studebit solium, quo inter Pic-
tores Apelles, Magos Hostatus, Poëtas Ennius, Ora-
tores Tullius gloriatur. tali conatui, nec eius in-
genium, nec tua eruditio, non bonorum affe-
ctus, non denique celi ipsi resistunt. Neque cre-
dibile potest esse, bonam indolem, vltro curren-
tem, à terre Sphærarumque superiorum impedi-
mentis liberam, altissimis que desiderat caritu-
ram. Ancipiti non est opus animo, vbi in partem
glorio-

gloriosę famę, vniuersa inclinantur. Neque te Virum doctissimum, dubia quępiam cogitatio excruciet, dabit tempus, quę virtus iubet, boni vouent. Exulta potius lætissimus tantis gaudijs, & antehac inusitatis cumulatus. Multa ego tua in domo clarissimâ video, quibus iustè ad festiuâ iucunditatē moueri possis, sed hoc maximū, quod Filios habeas sapientes. Id desiderabant Mundi Rectores, Familiæ Illustrissimæ, tu possides; quę æternitatis ductū perficiunt, nec sepulchris gloriam vnā cum corpore intrudi permittunt, tu teneas. Exulta iterum, Filiorumquę doctorum recreatus conspectu beatum te ac felicem recognosce. Dissipantur bona, in alienas manus labor sudorquę abit paternus, atteritur ignominiosę comparatum decus, si desit Hæres: remanent omnia integra cum adest; si bonus, augentur. Eius indolis genuisti filios, qui non ad possessionem facultatum, sed tuę conseruationem glorię modos attentant, quibus nihil dulcius honore, nihil virtute iucundius. Arripiunt iter pa-

ternum animosè, & florentissimis coronati lauris, nubē Hippocratico imponunt honori, eumq; suæ domus claritate supergressi, offuscant; Quidni excedunt; qui possessionem Medicā in te Patre suo, non stoliditate ad exēplar natorū Hippocratis, sed eruditione, honorumq; luce ac spe adornant. Par igitur Æsculapio ob Podalirij & Machaonis scientiam, felicior Hippocrate cū sis, non Sotionis docentis moueare præceptis, sed locum lætitiæ da, iuraq; Patris in dignitate Filij exultantis, adimple festiuus. Id tibi Viri Clarissimi, amici nobilissimi, affines celeberrimi comprecantur gratulantur. Ego quoque ad eorum voces & suspiria, dictionem adiungo meam, eaq; effundo vota, quibus grauiora, nec tu optare, nec ego precari valemus; vt scilicet longis ætatibus, fatorum clemētiā superstes, & hac nobilissimi Filij delecteris dignitate, & ampliores videas fortunatus.

DEO O. M.

Vniuersæ ealorum Curia

GLORIA & GRATIA.



CRACOVIAE,

*In Officina Matthiae Andreouienſis, Anno
Domini 1638.*

1850

1851

1852

1853

1854


1855


1856

1857

1858

1859






1. - 3



818864 Bibliotheca 28 000,-
P.P. Camaldulensium in Bielany

Depozyt w Bibliotece Jagiellońskiej



03947

K.VI.6

